

Edizioni

- letto 917 volte

Pattison

I.

Ben sai c?a sels seria fer
que·m blasmon qar tan soven chan
si lor costavon mei chantar.

Meils m?estai
pos leis plai
que·m te jai
qu?ieu no chant mia per aver:
qu?ieu n?enten en autre plazer.

II.

E per als m?en cug plus anquer:
quar tan soven com en chantan
no la puec auzen totz nomnar.
E pueis ai
tan gran jai
quan quex brai
so qu?ieu dic, c?adonx cug tener
Dieu, o lieis don me volh temer.

III.

Bo·m sap qi de midonz m?enquier,
q?ieu no i faz ges feignien semblan;
e creis m?en gaugz cant n?aug parlar;
neus de lai
on no·s fai
noms, me trai
quant diretz de lieis tal plazer ?
cossi·us n?era datz grans aver.

IV.

Gran esfort fai Dieus, qar sofer
c?ab si no la·n pueja baizan!
Mas no·m vol tolre ni tort far;
ni s?eschai
qu?en esmai

for?ieu sai.

Mas lieis no pren, no·m cal temer
que ja autr? ill plassa tener.

V.

Si ben en amar leis m?esmer,
qu?ieu sai, que si pel mon s?espan,
c?autras m?en faran faiturar.

Don m?esglai:

qu?en farai?

Cobrirai

donx mon gran ben ab jauzen ver?

Oc! Si n?era mieus lo poder.

VI.

Mas tostems fo e tostems er

que grans amors no te guaran.

Grans meravillas son d?amar!

Que·n dirai

s?amors chai

qar van bai?

Ai las! Ja no m?o lais vezter

Sel Dieus que·m n?a datz jauzen ser!

VII.

C?aisi tiron ves man esquer

sill ric que plus cortes se fan

c?ades ponhon en lauzenjar;

e·ill verai

son en plai,

quar, i a trai,

sel c?a semblan sen ferm poder

par cortes, si nonca s?es ver.

VIII.

Dona, vostre domini ser

crezetz me, qu?ie·us am ses engan,

e membre·us plus que l?encuzar

li dous bai . . .

Ar morrai

si dic mai!

Ai! Co·m fail quan pes del dous ser

lo sens e l?auzir e·l vezter!

IX.

Quan la candela·m fetz vezter

vos baizan rizen, a! cal ser!

X.

Joglar, ades mati e ser

me tira·l cors vostre vezter.

- letto 763 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizioni-252>